

DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBETARIIS DISPUTATIONIBUS
manè discutienda, in Scholis Medicorum, die Jovis
trigesimâ Martii M. DCC. XXX.

M. ÆGIDIO ADAM,
Doctore Medico, Scholarum Professore,
Præside.

An præcavendæ Cataractæ, oculi Paracentesis?

I.

ER GONE quæ oculum tam egregiè callet, Medicina cæcitet? Adeò parùm oculata videretur in oculorum morbis? In his enim curtam esse remediorum ope Medicinam, passim & palàm conquerentes audias. Afferunt in exemplum *Cataractam*, in quâ percurandâ tam sæpe cespirat Ars curandi. Dubitas? Nonne prima *Cataractæ* exorientis initia, certa habentur futuræ cæcitaris auguria. Parcius ista tamen Medicinæ objicienda; quod enim illi crimen imputant, illorum prorsus vitio detur, qui circa *Cataractæ* operationem, ut ut eruditè occupati, in Medendi legibus hospites sunt & peregrini. Sic fermè sunt, qui plus æquo acûs suæ auxilio confisi, temporibus, & locis infligendæ, (quanquam ad geometriæ regulas) *Cataractæ* sagaciter deprimendæ unicè student. Ejusmodi hominum scientia, digitorum Arithmetica est dexteritas. Quippe ii sunt distantiarum lineas, puncta in solidis, guttas in fluidis numerare Docti. Alit ut hæc non omittenda, ubi se dat operandi necessitas, sic providenda imprimis quæ & meliora, & plura offert, certior Medendi methodus. Hæc autem in morbis arcenda docet, quæ præfagiuntur pericula; usque invigilans occasione, (quæ Medicationis est anima) ne ipsi desit. Hic autem, occasio prophylaxis est, declinando nempe operationem, heu fluxam nimium & dolosam! Er quidem in occasione aucupandâ toti fuerunt Medicinæ proceres antiqui; at non sic ophthalmici Medentes plurimi: in quo *operatores* ocularios discernas, ab ophthalmicis Medicis. Hi ad dentes tendendi: in quo *operatores* ocularios discernas, ab ophthalmicis Medicis. Hi ad dexteritatem. Quorum autem, ut densior numerus; ita vulgarius est *Cataractæ* curationis erratum. Id ergo in Medicinam refundere tam iniquum, quàm falsum est. Malè sana nempe, quia docta malè istæ oculariorum gens, & morborum prophylaxeos prorsus ignara. Hinc accersitus ad ægrum istic ocularius, manum consulit magis, quàm animum: quid mirum? Ad opus vocari unicè se putat, prævio tantùm factò examine, maturaveritne *Cataractæ*, forsan additâ tempestatis, & ætatis ægri aliquantulâ mentione. Insuper aliud desideras? De anatomicâ *Cataractæ* sede balbutientem, ut poterit, audies; cum hanc in crystallino humore sitam nuper definitum esse audierit: cui si garrire ulterius liberit, de acido lymphas coagulante non nihil effutiet; nam vel tonsorum istæ vulgaris canalicula est; dum distinguere pelliceam à crystallinâ *Cataractam*, glaucosum à glaucomates

melius consultus deberet: imò si hominis sani cogitationem admitteret, animo posset obversari prophylaxis omiſſa, vel revocanda. Sed ejuſmodi rerum, quæ mentis aciem facile fugiunt, planè ſecurus, de incertitudine operationis, ne verbum quidem habebit. Inde *generalibus remediis* (ut loqui norunt) tantummodo præmitti juſſis, operationis alea jaciunt, ſit ergo periculum, ægri ne, vel *operatoris*? Dices, utriuſque.

I I.

*Vide Seve-
rinum de
reconditâ
abſceſſuum
doctrinâ.*

INTERIM grave illud, nec infrequens periculum; cùm ex eorum genere morborum ſit *Cataracta*, qui ab humoris *Decubitu* ſunt; ſed in ejus morbi curatione, quantum ſibi vindicet partem Medendi methodus, aut ſcientia? Aperit recondita abſceſſuum doctrina; cujus autor, & Medicinæ, & Chirurgiæ notiâ percelebris oſtendit quantum Medicinæ conſiliis, & mentè Medici Chirurgorum manus indigeat. Cæterum ut ad ſalutem, vel ad exitium, ſit quilibet *decubitus*, Medentis peritiâ eſt, & officii, alterum ab altero diſcernere, quo procurando bonum, malum poſſit avertere. Hoc autem opus, hic labor in medendo; ſoli quippe artiſci noviſſe datum eſt, quid faciendum, quidve omit- tendum, in quo tota ejus, qui criticos motus, vel effectus intelligit, & expectat, ſapientia verſatur. Unde juxta criſium leges, permittendum eſt, & adjuvandum quidquid ad ægri ſalutem pertinet, avertendo illud omne, quod ut morbi lucro ſit, ſic ægrotan- tis damno verſitur. Atqui quod ab operatione *Cataractæ* imminet malum, ſolus œco- nomia animalis legum ignarus negaverit. Ex tot enim quibus hæret retinaculis *Cata- ractæ*, concipitur, quanto diſcrimine à ſede ſua avellatur: addideris vaſorum myriades quibus alluitur oculus, tùm omnes quibus compingitur nervorum fibrillas; ut violentam eſſe, ſic cruentam poſſe fieri iſtanc avulſionem, intelliges. Quidquid ſuas ducant origines illa capillarium vaſculorum millia à majoribus vaſorum caudicibus: arctiora-ne putabis cum univerſo corpore commercia? Immane igitur, quàm grave eſt, quod ab operatione *Cataractæ* imminet periculum! Felices tamen quos ſola hæc diſcrimina manebunt, nec pauciora enim, nec minora quæ impendunt. Quibus incommodis ut ſubve- niretur, ſi fieri poſſet, tanti momenti iſtis viſæ ſunt oculi partium diſtantiæ, ut ad nor- mam, & perpendiculum aſſimari meruerint; ita ut proditum fuerit, ſerventique cala- mo deſinitum, de cryſtallini loco, ſitu, diſtantiâ, tum de loci puncto, ubi acus debeat applicari. Benè equidem; ſi corpus cryſtallinum laxum ut eſt, mobile & pendulum, cum fixo ſuper menſâ, linearum, & angulorum commenſu concordaret. Imò moveri poſſe cryſtallinum ad pupillam accedendo, declarant peritiſſimi in rebus Anatomicis viri, quorum ut culter, ſic lingua mentiri caver: interim ut non capiunt ſimiles ope- rationis elegantias oculariorum plurimi, quot indè operantibus opprobria? quot ægro- tantibus mala portenduntur?

*D. D. San-
torini obſ.
Anatom. c.
IV, p. 83,
Mery in ac-
tiſp. Acad.*

- I I I.

MAJORNE alicubi Prophylaxi locus? Quæ ſolemnis & uſitata erat, quandiù oculariæ Medicinæ clavum tenuit ars Medendi. Sed hujus experts, & incurſita *Operatorum* Ophthalmicorum gens, ſtupore vulgi facta eſt Medicatrix; torumque cura- tionis *Cataractæ* negotium ad operandi ſagacitatem unicè devolutum. Hinc hodiè *Cata- ractam* deponere, ſanare eſt, obſoletâ penitus veterum Prophylaxi: continebatur hæc aptâ diætâ, & multigenis venæ ſectionibus, benè conſciis Medendi magiſtris, non ſo- lius oculi morbum eſſe *Cataractam*, ſed inſimul ali totius molis ſanguineæ vitio. Hoc dyſcrasiam dices? Nihil moramur, Catharſim enim, veſicatoria, ſetones, cauteria, herbaſque morbo proprias, uſuque compertas commendarunt. In excogitandâ mede- lâ, arteriotomiam addidère feliciores, quibus auxiliis annuit quoque poſterior ætas, ſanguinis circuitu ditior facta, & doctior. Comperto enim ſemel ſanguinis orbiculari motu, ejuſque per oculum intrâ horam multiplici ita & reditu, ſatis intelligitur, quàm neceſſariò, quàm liberè, quàm tutè mitti ſanguis poſſit. Cæco-ne conſilio? Imò ſapien- ti, ne ſcilicet in horas, eundo vires morbus acquirat. Hæ fuère ſanguinis avvertendi rationes, aut ad longinqua cum removendi viæ, quibus etiam hodiè omnes inſiſtunt. Diverticulum aliud aperit & Anatomia recens, quod enim detecti fuerint proprii hu- moris aquei ductus, vel pervii canales quibus humor ille ad oculum it, reditque, hujus

*Vide Ho-
vium paſ-
ſim.*

opus est, nec gloria non mediocris. At inde spes affulsit, proditque ratio non obscura exordientis *Cataracta* demolitionem moliendi. Ars sane præclara, morbum in ovo præfocandi. Cum enim ab humoris aquei stagnantis sorditie enascatur *Cataracta*; sorditiei præbit humoris aquei putrescentis facta evacuatio; Paracentesicos genus est, antiquis compertum, nec insolitum; quo ex oculi camerâ, non secus ac ex abdomine *ascitico* serum educitur. Tutio rem cogitabis prævertendæ *Cataractæ* modum? Cum enim partis albæ sanguinis proprius sit morbus *Cataracta*, ut potè ad serum pertinens, vel lympham; per venæ sectiones præmisâ partis rubræ curatione, ad rem propius attinet nihil, quàm ad partem albam, alteram converti curam. Hoc præstabit oculi paracentesis, hinc serosi *decubitûs* molem minuendo præsentem, illinc futuram novi *decubitûs* alimoniam suffurando.

I V.

TUTIOREM ergo non habes *Cataracta* declinandæ modum. Et verò periculosum-ne erit magis, ægrotantis visum restitui ejusmodi oculi punctione, quàm eâdem senibus, (quod confirmat usus) reddidisse visum? quàm tot avibus, à punctione non absimili, sic illasam fuisse visionem, ut brevi repullulascens aqueo humore, reintegrata illa planè redierit; imò duplici titulo, felicem successum spondet Paracentesis, scilicet utriusque *Cataractæ* radices præscindens: nam aut in crystallino, aut in aqueo humore fixerit sedem hic morbus, utrique fiet satis; cum lymphæ quæ alterutrius parens, & altrix est, planè exhauriatur. Apage, succlamant, istæ *Cataractarum* discrimina; pellicæas exulare dudum iussimus; solasque dari crystallinas à nobis sancitum, & pronuntiatum est. Verum quo ex tripode? parvo certè: saltè non erit effatum summi illius in arte Dictatoris, quem in Medicinâ nec falli, nec fallere possè creditum est, illius, inquam, qui *ut negligenter nullibi se gessit, temerè nusquam locutus est*. *Cataractam* pelliceam à veteribus Anatomicis fuisse deprehensam, hanc quæquæ à recentibus in dies deprehendi nobis satis est: cui factò refragari ut mentis præpoteræ, sic & laudi & gloria minùs consulenti est. Itaque adhibitis omnibus ad Prophylaxim præsidiiis, si, illis minùs benè vertentibus, perseverent crescentis *Cataractæ* signa, Paracentesi locum dari, quid erit incommodi? Quin imò eductâ sic aquei humoris putri eluvie, *Cataracta* jamjam concrendæ Embryones, subtrahas. Unde aqueus humor in amurcam coire facilis, aut pellicææ illius atomi coadunari, & in membranulam exporrigi aptæ, penitùs ejiciuntur. Aliunde-ne melius præcavebitur pellicæa *Cataracta*? Excogitabitur sordidatam crystallini superficiem detergendi tutior via? aut mucidam, quâ insucatur, lympham exhauriendi certior ratio, ut meliori deinceps succo resarci possit. Quod perficiet Paracentesis, *Cataracta* crystallinæ exordia delendo. Sua quippe est aqueo humori perennis circulatio, ita ut vacuato crassiori, alter purior succedat; sic vitiatam humoris aquei cameram eluendo, tergit, hæcque, accedente humoris novi limpidine, nitet. Amplius rosçidæ qualitatis non exors, qui succedit humor; huius qualitate mulcet crystallinum, & stagnantis lymphæ mucorem liquando penitùs resolvit. Promptius-ne, vel tutius, nirorem suum aliunde recuperabit crystallinus humor? pristinumque melius suam resumer limpiditinem? Quâ methodo ritè peragatur oculi Paracentesis, paucis accipe. Caput ægri à tergo ministri manibus excipitur, fixumque stet & immobile. Accedat Ophthalmicus facie versâ ad faciem. Acum habuerit præ manibus lanceolatam, cuius acies secandi habilissima, lator, contractior-vè sit, pro diversâ Corneæ jamjam perforandæ diametro. Insinuetur acus in ipsam Corneæ dilucidæ substantiam, oblique ducta ab imo ad summum, lineæ unius transversæ spatio, aut circiter à conjunctivâ distans. Partem Corneæ ejusdem duntaxat infimam pupugeris, iridi ac pupillæ parcas diligenter. Quod quidem feliciter succedisse quamplurimis, notum est. Eâdem ratione, nobilis quidam Miles in Regiâ Invalidorum domo, *Cataractâ* fuit liberatus. Nec Anglis incongnita oculi Paracentesis, quam ita laudabiliter à muliere Anglâ tentatam refert Mangerus, ut ne minima quidem Corneæ cicatrix remanserit. Edueto aqueo humore, splenium molle albumine ovi aquâ rosacæ diluto, madidum, perforato oculo admoveatur. Quietem & Dietam præscribat Medicus.

Vide *Hovium passim*.

Plin. lib. 25, cap. 13, pag. 425.
Edit. 1685.
Cæli. Aureliani. mor. Chronicor. lib. 1, c. 5, pag. 335.
Edit. in-4º. 1709.

Vid. Mang. bibliotheca Chirurgica, lib. 3, tom. 1, pag. 506.

Hippoc.

Vid. Bibliotheca Chirurg. tom. 1, pag. 503.

PRÆCAVENDÆ igitur *Cataracta*, idonea maximè oculi *Paracentesis*. Hujus necessitatem apertè suadent alterius operationis incertitudo & periculum. Indecorum profectò, stupendumquè; tantùm strepitùs hodiè per orbem Medicum moveri, & audiri de morbo, & operatione; cùm illius natura anceps adhuc, & dubia sit; hujus verò successus in ambiguo. Quantumlibet enim nomen consequi studuerint *Cataractarum crystallinarum* acerrimi fautores, quantumvis vulgi auribus obstrepuerint, non idèò oculus pelliceis minùs tentabitur. Quid si veterum pellicæ cum crystallinis, quæ glaucomaticæ, cum glaucomate confundantur? vel glaucosis accipiat pro glaucomate? Hanc dubitandi ansam suggerit facta nuper observatio, quâ innuitur, modò totum vitiari crystallinum corpus, in *Cataracta* affectionibus; modò solam illius, & summam superficie. Undè terni vel quaterni morbi, operatori distinguendi veniunt; internoscendum quippe illi est, sit-ne pellicæ veterum *Cataracta*, vel crystallina neotericorum? glaucosis, vel glaucoma, ut ad ejusque naturam, & conditionem, acûs aciem dirigat & moderetur. De glaucosis enim non est cur dubites; unde se dat suspicio glaucosim non infrequenter, pro glaucomate venire, ita ut non totum semper crystallinum corpus operator deturbaverit; sed aliquantam solùm, eamque summam, aut superficiariam partem, quam acus, non fecis ac scalpri acies, vel radulæ actio separat, & præcipitat. *Desquamationis* species erit, aut ut in ossium morbis se habet, genus *exfoliationis*, quâ crystallini aridæ, vel putres lamellæ deprimentur. Hanc adjuvat conjecturam observata per luciditas superstes, ut visa fuit in lentis, ut ut exiguæ, reliquis. Hinc minimè mirum, quòd resectâ tantùm crystallini portione, visio hebes licet, ab operatione superat. Saltem non incerta hæc observatio receptam de totis crystallinis operatione deturbatis, ac familiarem nimis opinionem incertat. Quam tamen sibi plaudent tueretur; ecce enim nobilibus exteriorum auspiciis & nominibus fultam publicè venditant; sed id nostri, sicut & illorum juris est. At quàm levi rationum pondere? Dicas tam futilibus argumentis suam opinioni voluisse fidem derogari. Igitur non-nisi cautè, & sapienter admittantur crystallinæ *Cataractæ*. Quod enim dentur, dubitat nemo; quod solæ, negant omnes. Egregios scilicet, subridendo inquit, humoris aequi factus; an membranulas ex illius sinu formari, & compingi posse, quisquam sapiens existimabit. Sed harum exemplar adumbrant Chymistæ, dum succos ad pelliculam vaporant. Quin & docet melioris notæ Anatomicus, quâ Arte, quo Mechanismo efformetur. Formatas alter ostendit in eadem scientiâ versatissimus. Ambiguus ergo *Cataractarum crystallinarum* status, anceps operatio, origo incerta; Ergo præsidium quod nascenti malo occurrit, cæteris anteponatur.

Ergo præcavendæ Cataractæ, oculi Paracentesis.

DOMINI DOCTORES DISPUTATURI.

M. Jacobus Trans, è Regiâ Scientiarum Academiâ.

M. Guillelmus de Magny.

M. Joannes Herment, Medicus Regis ordinarius.

M. Petrus Maloët, Regis Consiliarius & Medicus, necnon Domus Regiæ Invalidorum Ducum & Militum ordinarius, & è Regiâ Scientiarum Academiâ.

M. Gabriel-Antonius Jacques.

M. Steph. Franciscus Geoffroy, Facultatis Decanus, Regiæ Scientiarum Academia Parisiensis, Regiæque Societatis Londinensis Socius & Regius Professor.

M. Ludovicus Simon Emmerez,

M. Claudius de la Vigne de Frecheville, Medicus Regis ordinarius, & domus Regiæ.

M. Jacobus Fournau.

Proponerebat Parisiis, LUDOVICUS-PETRUS LE HOC,
Rothomagens, Baccalaureus Medicus, A. R. S. H. 1730.
à sextâ ad Meridiem.

Typis G. F. QUILLAU, Universitatis & Facultatis Medicinæ Typographi. 1730.

Vide Santorini obs.
Anatom. c.
4. p. 81.

Ibid pag.
82.

Vide The-
sim. Henri-
i Hale
Magd.-bur-
gica 1729.

Morgagni
advers. VI.
Santorini
l. 83.